

Supervizor za Brčko zahtijeva toleranciju i međusobno poštovanje

Supervizor za Brčko, Susan R. Johnson, apeluje na poslanike iz svih stranaka i nacija u Brčko Distriktu BiH da pristupe svom poslu na realan, konstruktivan i civilizovan način, imajući u vidu odgovornosti prema građanima Distrikta i obaveze koje imaju na osnovu Statuta.

U svjetlu očitog nepoštovanja duha ili slova postupaka koji uređuju izradu, predstavljanje i usvajanje regulacionih planova, konkretno planova za naselja "Š" i Srpska Varoš u Brčkom i karaktera bivše kasarne kao sjedišta multietničkih javnih institucija, supervizor

(1) je odlučila da izgradnja džamije na pomenutom prostoru nije prihvatljiva, i

(2) podsjeća Vladu Brčko Distrikta da ima obavezu da pošalje pisani odgovor na konkretne komentare ili primjedbe građana i da argumentovano objasni zašto predloženi plan predstavlja "najkorisniju i najbolju" upotrebu javne imovine u konkretnom slučaju.

Supervizor Džonson podstiče Vladu i Skupštinu Brčko Distrikta da poboljšaju proces donošenja regulacionog plana i obezbijede da ovaj proces bude transparentan i dokumentovan prije nego što se ijedan novi regulacioni plan preda na odobrenje.

Supervizor za Brčko je uvjerena da bi poslanici trebalo da budu sposobni da donesu opšteprihvatljiva rješenja u pogledu konkretnih regulacionih planova iskazivanjem međusobnog razumijevanja i poštovanja, te da nastave sa radom u Skupštini.